
RED ta duna asistencia na un partido nobo na St. Eustatius y na Bonaire

AYERA mainta, Rudy Lampe a habri su conferencia di prensa di tur siman, anunciando cu partido RED a haya invitacion pa asisti un partido politico nobo na St. Eustatius, cu lo participa n'e proximo eleccion di dia 2 di maart, cu ta tuma lugar na tur e islanan BES.

Despues RED lo bishita Bonaire tambe, unda e partido aki tambe a haya invitacion di un otor partido politico.

Segun Rudy Lampe, partido RED ta masha interesa den e

topico di dolarisacion y lo tuma na cuenta y lo haci analisis y observa con esaki ta funcionando. No lubida, cu partido RED t'e prome partido cu a bin cu e idea pa lansa na Aruba, despues di 25 aña di Status Aparte, pa introduci dolar como moneda oficial di Aruba.

Pesey e bishitanan aki ta masha importante pa RED. Pesey tambe RED a keda sorprende ora cu Presidente di Banco Central di St. Maarten y di Corsow,

drs. Emsley Tromp a bisa cu Minister di Finanza di Aruba, Mike de Meza tambe ta na fabor di dolarisacion na Aruba. Pesey RED ta haciendo e bishita aki n'e islanan BES pa mira cu esaki ta funcionando. Despues di 25 aña di Status Aparte, nos mester cuminsa evalua pa cuminsa un rumbo nobo y un di e punto ta, pa cuminsa cu dolarisacion.

Pasobra Aruba no por keda isola for di demas islanan ruman, segun Rudy Lampe.